



مشیتِ جلیلہ اسلامیہ نکِ جریدہ رسیہ پیدر

شوال ۱۳۳۵

عدو: ۳۲

آیدہ بر نشرِ اولنور

اوپنجی سنہ

- ماده ۹ — اشبو نظامنامه تاریخ نشرندن اعتباراً مرعی الاجرادر .
ماده ۱۰ — اشبو نظامنامه نك اجراسنه مقام مشیخت و اوقاف ناظری مأموردر .
اشبو لایحه نظامیه نك موقع مرعیه وضعی و نظامات دولته علاوه سنی اراده ایلدم .
ل ۱۴ شعبان سنه ۱۳۳۵ ل ۴ حزیران سنه ۱۳۳۳

محمد رشید

صدراعظم و داخلیه ناظری
محمد طلعت

شیخ الاسلام و اوقاف حامیون ناظر و کیلی
موسی کاظم

حربیه ناظری و بحریه ناظری و کیلی
انور

خارجیه ناظری
احمد نسیمی

عدلیه ناظری و شورای دولت ریشی
خلیل

مالیه ناظری و معارف ناظری و کیلی
جاوید

نافعه ناظری
علی منیف

تجارت و زراعت ناظری و تلفراف و پوسته و تلفون
ناظری و کیلی
مصطفی شرف



بیاننامه مشیختپناهی

حقایق اشیایی تحری و تدقیق ایله اشتغال ایدن ذوات معالی صفاتک معلوملری اولدینی
اوزره بوعالمده تصادفی و عبث اوله رق وجوده کلمش هیچ برنی یوقدر . هر شینک خلقتی
برمییه مستند و هر خلقتیه برغایه مترتبدر . حتی هر ذره بیله بر قانون و انتظام دائره سنده
کندی خلقتیه متناسب بر وظیفه ایضا ایتمکده و ایضا ایتدیکي او وظیفه بر غایه ترتب
ایلمکده در . سر تکلیفک ذراتدن شموسه قدر بوتون اشیایه سرایتی و هر شینک طبعاً
و فطره مکلف اولدینی وظیفه یی حسن ایضایه مجبوری و اجناسک انواعده انواعک
افرادده کمال انتظام اوزره تجلی یه مظهریتی سایه سنده احتوا ایتدیکي بی نهایت محاسن و بدایع
ایله شو سلسله کائناتک ساحه آرای وجود اولدینی شه دن وارسته در .

بوعالمده وجودنی اصلاً حس ایدمه مدیکمز هر هانکی بر ذره نك بيله سرتکلیفدن آزاده اوله رق وجوده کله مدیکی ثابت اولنجه صورت اعتباريله زیده کائنات، سیرت جهتیله ده اکمل مخلوقات اولان انسانک هر نوع تکلیفدن وارسته اولق اوزره قدم نهاده عالم دنیا اوله مدینی اولویتله ثابتدر .

« وان من شیء الا الخ » آیت کریمه سنک دخی شهادتی وجهله بوتون اشیا لسان حالريله ریلرینی تقدیس ایتکده لر ایکن ملائکه نك بيله مسجود ومطاعی اولان انسانک خالقنه قارشى لاقید قالش اولسی ممکنیدر . شبهه یوق که انسانک دخی خالقنه قارشى ایفاسنه مجبور اولدینی بر چوق وظائفی واردر . مع هذا بووظائفه ترتب ایدن فوائد حاشا خالقنه دکل کنديسنه عاؤدر .

چونکه بوتون عوالمدن غنی اولان جناب فاطر کائنات، رب العالمین وارحم الراحمین اولدیقدن اسما وصفاتک مظاهری اولان شو عوالمده هر شئیک کندی استمداديله متناسب تکاملنه خدمت ایدم جک بر قانون وبروظیفه تعیین ایتدیکی کبی انسانک ده کندی خلقت کامله سیله متناسب، تعالی وترقیسنه مدار اوله یيله جک بر چوق احکام شرعیه ووظائف دینیّه وضع ایلمش وبوصورتله انسانک قدر وشرفنی برقات ده اعلایتمشدر .

فی الواقع جناب رب العزت عبادت واواهرینه اطاعت ونواهیستدن بجانب ینه انسانلرک سعادت واعتلاسنه خادم، دنیاده وآخرتده مسعود اوله ییلمک آنحق وظائف عبودیتی ایفا ایله قائمدر . بالخاصه دین مبین اسلامک احکام عالیهمی سعد ونجاتک ارکان علویه سیدر . چونکه شریعت غرای احمدیه محاسن اخلاقک، فضائل وکالاتک، مادی ومعنوی ترقیات وتعالیاتک کافل اکلیدر .

بونک ایچوندرکه دیناً مأمور اولدینی وظائفی ایضا ایدن ونهی اولندیفی شیلردن اجتناب ایلیان هر هانکی بر مسلم هر وجهله مسعود وهیرده ممدوحدر . زیرا دین مبینمزک امر ایتدیکی هر شئیک منفعت محضه ونهی ایلدیکی هر فعلک مضرت صرفه اولدینی بوکون جهانک مسلمیدر .

حلم، تواضع، عدالت، حقوقه رعایت، عرض وناموسه حرمت، ضعیفایه مرحمت، فقرایه معاونت، هر مخلوقه شفقت، هر فعل وقوله صدق واستقامت، صوری ومعنوی بوتون امورده جدیت، اسراف وتبذیردن قطعاً مجانبت، هر خصوصده اقتصاده رعایت

وهر زمان سعی و عمله اقدام و غیرت و قبی لغویات و فحشیاندن و هر درلو سفاهتدن صیانت و امام المسلمین خیر ایله دعا و محبت و اوامر حکومته اطاعت و کمال طهارت و نظافتله خالقه عبادت کبی شیلرک موجب سعادت و اضدادینک باعث فلاکت اولدقلرینی انکار قابلیدر. کمال طهارت و نظافتله رب العالمین قارشى ایفاسی لازم کلان تعظیباتک الک مقبول واک معقول اشکالی جامع اولان صلاتک بحق ایفا ایلدیکی تقدیرده روحه ویردیکی معنوی لذت و قلبه بخش ایتدیکی صفوت و نزاهت و بدنه تأمین ایلدیکی صحت قدر سعادت متصورمیدر. کندیسند ریا و سمعهک مداخله سنه امکان اولمیان و بوسیله عبادات بدنیه آره سنده ممتاز بر موقع احراز ایدن صومک لذاذ معنویه سی حظوظات مادیه ایله قابل قیاسمیدر.

خلاصه مادی و معنوی یو کسملک ایچون طاعات و عباداتده هیچ بر زمان قصور ایتمه ملیدر. علی الخصوص جناب خداوند کریمک غفران ایله تبشیر بویوردینی مبارک رمضانده و عدجلیل الهییه احراز لیاقت ایچون صوکه درجه چالشمیلیدر. بلا معذرت ترك صلات و نقض صوم فضاحتی ارتکابیدن حذر ایتمیلیدر. هله قصداً و علناً نقض صیامدن اجتناب قطعاً لازمدر. چونکه بو حال هم خالقه مصیبت هم آداب عمه میة اسلامیه یه سرکشانه بر مخالفت ودها طوغریسی حال صیامده بولنان بوتون مسلمانلره بویوکه برحقارتدر.

زیرا نقض صوم ایچون بهمه حال علی ملا الناس ییوب ایچمک مجبورتی اولمیدینی و چونکه اکل و شریک هر هانکی تنها بر محله دخی اجرانسه هیچ بر مانع بولمیدینی حالده مسلمان عنوانیله قصدی و علنی اوله رق بوتون اهل اسلامه قارشى نقض صیامه جرأتک هم صومی استخفافه همده حال صیامده بولنان بوتون اهل اسلامی استحقار مقصدینه ابنا ایده چکی شبهه سزدر و بو حکمته منیدرکه شریعتمز بلا معذرت علی ملا الناس عمداً نقض صیام ایدنلری پک آغیر جزالره لایق کورمشددر.

هیچ بر مسلمان بوکی احواله جرأت دکل تنزل بیله ایتمیلیدر. زیرا آداب اسلامیه فضائل اخلاقیه ایله توأم اولدیفندن مکارم اخلاقی امام ایچون بعث بویورولمش اولان بر نبی ذیشانک امتی محاسن اخلاقک تمثالی اولوق کر کدر.

نسوان اسلامک دخی بوجهتی کمال اهمیتله نظر دفته آلملری لازمدر. بالخاصه عفت و عصمت نسوان اسلامک زینت ممتازه سیدر. ملت و مملکتمزک ترقی و تعالیسنی تأمین ایده چک خصائل مدوحه خاتملر مزک دست تربیتنده یتیشه چکدر. حالبوکه هر تربیه

فضائل اخلاقیه و حسیات دینیہ اساساتہ استناد ایتلیدر . چونکہ حسیات دینیہ و محاسن اخلاقیه تعالیٰ ملت و ترقی مملکت خصوصندہ اک مهم عاملدر .

بناءً علیہ بالعموم مؤمنین و مؤمناتک صوم و صلات کبی فرائض مبجلہ فی وسائر بالجلہ وظائف دینیہ فی حسن ادایہ بذل مقدرت و بوتون شعائر اسلامیہ مزہ تمامیلہ رعایت و فضائل ملیہ مزہ حقیلہ ابرازہ غیرت ایدہ رک تعالیٰ دین و دولت و محافظہ ملک و ملت ایچون اعلان جہاد ایدن و دائماً عون جلیل باری یہ استناد و روحانیت مقدسہ پیغمبریدن استمداد ایلان حکومتزک ظفر نہائی یہ مظہریتی و ملتزک مملکتزک ہر و حجلہ رفاه و سعادت و وسائل مغویہ سنی احضارہ کال جدیتلہ مسارعت ایتلیری دیانت جلیلہ اسلامیہ و ملت نخبیہ عثمانیہ نامنہ توصیه اولنور .



اوقاف سہایون نظارتی تبلیغات عمومیہ سی

قومیسونلردہ بولندیریلہ جق مأمورین موظفہ یہ یومیہ واجرت ویرلامسنہ و بورالردہ متقاعدین و معزولیندن مناسبلرینک استخدام اولنسنہ دائر

[شرفوار اولان ۲۴ جمادی الآخرہ سنہ ۱۳۳۵ و ۱۶ نیشان سنہ ۱۳۳۳ تادیع و ۳۳۴۷۹۶ عری و ۲۶ خصوصی نومرولی تذکرہ سامیہ نک صورتیدر :]

سنہ حالیہ بودجہ سنک مجلس مبعوفان موازنہ مالیہ انجمنندہ تدقیق و مذاکرہ سی اثناستندہ بعض قومیسونلرہ تعیین ایدیلان دوائر مرکزیہ مأمورلرینہ مصارف متفرقہ تربیتندن و یا قومیسونک تشکیل و انعقادنی مستلزم اولان ایشک بودجہ دہ تعلق ایتدیکی تخصیصاتدن یومیہ یا خود اجرت حضور ناملریلہ بازہ ویرلمکدہ اولسی غیر جائز کورلمسیلہ سنہ مذکورہ ابتداسندن اعتباراً بو قیل قومیسونلردہ استخدام ایدیلہ جک معاشلی مأمورینہ او ناملر ایلہ ہیچ بر اچہ ویرلامکله برابر بعد ازیں مذکور قومیسونلرہ فوق العادہ بر لزوم اولمدجہ مأمورین موظفہ دن کیسه تعیین ایدلیوب متقاعدین و معزولیندن